

## 3. ¡Malos llobos vos coman!

- **Lugar:** Zurea, LLEENA.
- **Narradoras:** Teresa González, 81 años; Carmen Álvarez, 80 años y Maruja Iglesias, 68 años (2005).
- **Recopilador:** Xosé Antón Fernández Martínez «Ambás».
- **Grabación:** Cuentu: ¡Malos llobos vos coman!

- [Cuentu: ¡Malos llobos vos coman!]

[Teresa]: Una vez yera un paisano, llamábase Xuan, y tenía dos vacas, una pareja vacas, y fue a binar pa la tierra, y cuando taba binando llegó el oso....

[Vecina 1]: ¿Veslo? Llegó...

[Vecina 2]: ¡Llegó el oso!

[Vecina 1]: Ta grabando...

[Vecina 2]: Bueno...

[Teresa]: Y díjo-y el oso:

—Esas vacas tienes que me las dar, que tengo fame y tengo que las comer.

Diz él:

—¡Home!, yo son las dos que tengo, ¿cómo me las vas a... aquel? si tengo que binar la tierra.

Diz él:

—Bueno, pues dejaréte... binar la tierra.

[Vecina 1]: ¿Veslo? ¡Dexaréte...!

[Vecina 2]: ¡Dexaréte binar la tierra!

[Teresa]: Ondo... va él y sentóse pa lo cimero la tierra. Y cuando taba llabrando... él aceleréu, porque si no...acababa... y nun podía acabar de arar la tierra.

[Vecina 1]: ¡Llabrar!

[Vecina 2]: ¡De llabrar!

[Teresa]: Pasó el rapusu, y diz:

—Xuan, ¿qué fais?

Y diz él:

—Ná, toi aquí llabrando la tierra aceleréu.

Diz él:

—¿Entonces?

—¡Ah!, ta l'oso aende que quier comeme las vacas.

Diz él:

—Bueno, pues si me das la gallina con los pitos, sálvotelas yo.

—¡Sí, sí, no hai pega!

Conque diz él:

—¡Xuan!, ¿qué ye eso que hai en... aende p'arriba?

Diz él:

—¡Un cipu queméu!

Diz él:

—Si fuera un cipu queméu, yá lu charas a roar... y lu metieras en forquéu.

Diz el oso:

—Faite que me echas.

Y va él y chólu a roar.

Y el rapusu otra vez:

—¡Xuan!, ¿qué cheste a roar?

Diz él:

—¡Un cipu queméu!

—¡Oño!, ¡si fuera un cipu queméu yá lu metieras en forquéu!

Diz el oso:

—Faite que me echas.

Va él y metúlu en forquéu.

Y después diz él:

—¡Xuan!, ¿qué metiste en forquéu?

Diz él:

—¡El cipu queméu!

Diz él:

—Pues si fuera un cipu queméu...

[Vecina 1]: Yá-!le dieras con el hacha

[Teresa]: ... yá-!le dieras con el hacha.

Fai él...

—¡Faite que me das!

Va él y dio-y un hachezu y matólu. Conque'l rapusu, !lucu contintu. Diz él:

—¡Hala, ahora yá tengo la gallina con los pitos!

Que dejólu que... dexólu que acabara de !labrar la tierra. Y después vieno pa casa y el rapusu alreor d'él... ¡nun perdía culo! Y va él y vieno pa casa y agarró una fardela y metiúle dos pitos y un pirru...

[Vecina 1]: ¡Metú-!le!

[Vecina 2]: ¡Metú-!le'l pitu y un pirru!

[Teresa]: ...dos pitos y un pirru. Ximelgó la fardela y sonaron los pitos...

—¡Pío, pío!

Diz él:

—¡No, pitos son!

Y chó a correr pal monte. Cuando pol camín empezó el pirru...

—¡Cháu, cháu!

Diz él:

—¡Ai diablán, cómo me güelen las patas de can!

Golvía a ximelgar la fardela y sonaban los pitos...

—¡Pío, pío!

[Vecina 1]: Yera un pitu sulu.

[Teresa]: Diz él:

—Non pues pitos son...

—¡Non, llebaba dos! Conque... cuando yá cansó de caminar, sentóse y soltó la fardela. Soltó la fardela... antes d'echar mano a los pitos salú el pirru, chó correr tras d'él... y él correr y correr hasta que cansó. Y el pirru dio la güelta pa casa. Agarró la fardela con los dos pitos y tréxolos pal emu. Y el rapusu después yá taba canséu y paróse y llebaba pelas patas. Facía él:

—¡Ai patinas, qué bien corristis! ¡Ai patinas, qué vida me distis!, ¡que si no hubiera sío por vosotras hubiera comíume'l pirru!

Y él tanto las emponderaba, diz el reu:

—¿Y yo?

Regolvúse y pegó-lle un mordiñón, diz él:

—¡Ah tu, reu Satanás, qué bien puxabas p'atrás!

[Vecina 1]: ¿Ves? Ya s'acabó?

[Encuestador]: ¡Ta bien!

[Teresa]: ¡Tu mira que cuintu más llegeru!



3. *¡Malos llobos vos coman!*

TERESA GONZÁLEZ • CARMEN ÁLVAREZ • MARUJA IGLESIAS  
Zurea, LLENA

---

Semeya: Ambás

